

**AKT THEMELIMI DHE STATUTI
I SHOQËRISË ME PËRGJEGJËSI TË KUFIZUAR
"INTERNACIONAL ESTUDIO LEGAL BERNARD" SHPK**

**KREU I
Dispozita te Pergjithshme**

Sot, në datën 05 Tetor 2021 (dymijë e njetete e nje) personi i meposhtem:

- I. Kliti GRAMOZI**, atesia Demir , i datelindjes 12.11.1996, lindur dhe banues ne Tirane, shtetas Shqiptar, madhor e me zotesine e plote per te vepruar, mbajtes i Leternjoftimit nr. Personal J61112041B.

Ne cilesine e "Ortakut te Vetem Themelues", me vullnet te lire te plote e te sinqerte, dhe iniciativen e lire private, mbeshtetur ne Kushtetuten e Republikes se Shqiperise, Kodin Civil ne fuqi, ligjin Nr. 9901 date 04.04.2008, " Per Tregtaret dhe Shoqerite tregtare" dhe ligjin Nr. 9723, date 03.05.2007 "Per Qendren Kombetare te Regjistrimit", vendosen te themelojne shoqerine tregtare, me pergjegjesi te kufizuar, me emertimin "INTERNACIONAL ESTUDIO LEGAL BERNARD" SHPK.

**KREU II
Ortaku, Emri, Objekti, Kohëzgjatja dhe Zyra Qendrore**


**Neni 1
EMRI**

- 1.1** Shoqeria eshte e organizuar dhe funksionon sipas formes "shoqeri me pergjegjesi te kufizuar" dhe mban emrin "INTERNACIONAL ESTUDIO LEGAL BERNARD " SHPK.
- 1.2** Kapitali i shoqërisë me përgjegjësi të kufizuar bazohet në një numër kuotash, në raport me kontributin e dhënë nga ortakut në shoqëri. Çdo ortak zotëron një kuotë të vetme në shoqëri.

**Neni 2
Objekti**

Shoqëria " INTERNACIONAL ESTUDIO LEGAL BERNARD" SHPK do te kete objekt veprimtarie:

- 1-Sherbime ligjore te ndryshme, keshillim juridik, perfaqesim ligjor per persona fizik dhe juridik, perpara te gjitha organeve te administrates shteterore, apo cdo zyre ose institucioni privat.
- 2-Perfaqesim ligjor perpara cdo shkalle te gjyqesorit ne Republiken e Shqiperise dhe jashte saj per sa lejohet nga legjislacioni ne fuqi.
- 3-Redaktim aktesh te ndryshme ligjore per te perfaqesuarit prej saj ne lidhje me ceshtje administrative, civile, penale etj.
- 4-Asistence ligjore per shoqerite tregtare, perpilimi i akteve administrative qe rregullojne marredheniet e shoqerise tregtare brenda saj dhe/ose me te tretet.



5-Sherbim ndermjetesimi me persona apo subjekte te tjere per te arrire nje marreveshje sa me te favorshme ne lidhje me pasuri te paluajtshme. Transaksione financiare si dhe cdo veprim tjetër te kerkuar nga te interesuarit si dhe cdo lloj keshillimi ligjor te mundshem ne permbajtje te ligjit/ligjeve ne fuqi per profesionin e asistent juristit, juristit, avokatit, ndermjetesuesit, permbaruesit etj... .

6-Zhvillimi i kurseve profesionale te asistences juridike etj... .

7-Kryerjen e investigimeve ne funksion te sherbimeve te lartpermendura ne bashkepunim me institucionet shtetore, zyrat e dedektiveve privat, OJF-ve etj... gjithmone brenda kuadrit ligjor ne fuqi.

Neni 3 Kohëzgjatja

- 3.1 Shoqeria do te ushtroje aktivitetin e saj per nje afat te pakufizuar, me perjashtim te rastit kur Asambleja e Ortakeve, sipas kuorumit perkates vendos ndryshe.
- 3.2 Shoqeria **“INTERNACIONAL ESTUDIO LEGAL BERNARD”** SHPK gezon statusin e personit juridik shqiptar nga momenti i regjistrimit si e tille ne regjistrin tregtar te QKB-se.


Neni 4 Zyra Qendrore

- 4.1 Zyra qendrore e shoqërisë ndodhet ne adresën: Njesia Bashkiake nr.9, Rruga e Barrikadave, Banesa tek ish Kinema 17 Nentori, (Galeria), Kati i trete, Zyra Nr.5, Tiranë.
- 4.2 Gjate veprimtarise se saj, shoqeria ka te drejte te krijojë dhe hape dege, filiale dhe/ose zyra perfaqesimi edhe ne qytete te tjera, brenda dhe/ose jashte territorit te Republikes se Shqiperise, ne perputhje me legjislacionin e kerkuar ne fuqi sipas juridiksionit te vendit perkates.
- 4.3 Nr. kontakti tel. per shoqërinë: **00355(0)693149684**.
- 4.4 Adresa E-mail e shoqërisë : **bernardinternacional@gmail.com**

KREU III Neni 5

Vlera dhe pagesat e kapitalit te regjistruar

- 5.1 Kapitali i regjistruar i shoqërisë është **1.000 Lek** (nje mije lek), i barabarte me 1 (nje) kuote. Kontributet e ortakut perbejne kapitalin e regjistruar te shoqërisë.
- 5.2 Pjesëmarrja e Ortakut në kapitalin e shoqërisë eshte ne raport me kontributin e derdhur prej tij dhe vlere nominale e kuotes se ortakut te vetem te shoqërisë, llogaritet ne raport me kontributin, e paraqitur ne menyre te permbledhur sipas grafikut te meposhtem:



Nr.	Emri i Ortakut	Kuota	Kontributi i ortakeve ne kapital (leke)	Perqindja ne kapital
1.	Kliti GRAMOZI	1	1.000	100
	Totali	1	1.000	100 %

5.3 Kontributi per sa me siper eshte nenshkruar dhe shlyer plotesisht nga ana e ortakut te vetem te shoqerise.

Neni 6 Zmadhimi dhe Zvogëlimi i Kapitalit Themeltar

6.1 Asambleja e Përgjithshme, me shumicë të kualifikuar mund të zmadhojë kapitalin themeltar të shoqërisë duke rritur kuotat e ortakut ekzistues në shumën e përcaktuar në vendimin përkatës. Zmadhimi i kapitalit me qëllim pranimit të ortakëve të rinj në shoqëri, miratohet nga Asambleja e Përgjithshme me shumicën e kualifikuar (tre të katërtat) të votave të ortakëve në përputhje me parashikimet e nenit 87 të Ligjit.

6.2 Shoqëria mund të vendosi zvogëlimin e kapitalit themeltar të shoqërisë me vendimin e Asamblesë së Përgjithshme, të marrë me shumicën e kualifikuar të votave (tre të katërtat) në përputhje me parashikimet e nenit 87 të Ligjit, duke pasur parasysh që të respektohet minimumi i parashikuar nga Ligji për Shoqëritë Tregtare.


KREU IV Neni 7 Transferimi i Kuotave

7.1 Transferimi (përfshirë shitjen dhe/ose dhurimin; dhe/ose cedimin; dhe/ose kalimin) inter-vivos të kuotave të shoqërisë tek pale të treta i nënshtrohet të drejtës së parablerjes në favor të ortakeve të tjere ekzistues, të cilët mund ta ushtrojnë këtë të drejtë sipas kushteve të parashikuara në nenin 7.2 me poshte.

7.2 Në rast se një ortak (në vijim i quajtur Ofruesi) kërkon të transferojë disa ose të gjitha kuotat, ose kontributet e zoteruara prej tij në shoqëri, ortakët e tjere (në vijim të quajtur Ortakët e tjere) gezojnë të drejtën e parablerjes mbi kuotat që ofrohen për transferim (në vijim të quajtura Kuotat e ofruara), sipas afateve dhe kushteve të mëposhtme:

- a. Ofruesi do t'u dergojë fillimisht ortakeve të tjere ekzistues një njoftim me shkrim (postë-rekomandë) ku të përcaktohet numri i kuotave të ofruara, si dhe emimin e kuotave të ofruara, emrin e bleresit dhe kushtet e tjera kontraktore të transferimit (në vijim referuar si oferta) duke ftuar se pari ortakët ekzistues të blejnë keto kuota të ofruara.
 - b. Ortakët e tjere kanë të drejtë të blejnë kuotat e ofruara sipas kushteve të ofertes, në përputhje me përqindjet e zoteruara, duke i derguar një njoftim me shkrim ofruesit brenda një afati 30 (tridhjetë) ditor pas marrjes së njoftimit të ofruesit me postë rekomandë.
- 7.3 Në rast se një apo disa nga ortakët ekzistues nuk përgjigjen gjatë afatit të mesiperm apo përgjigjen në mënyrë negative, atëherë ofruesi është i lirë në

+ Kliti Gramozi



transferimin e kuotave ne favor te paleve te treta pa kufizim, me kushte te njejta si ato te parashikuara ne oferten e mesiperme.

- 7.4 Parashikimet sa me siper nuk zbatohen ne rastin kur kuotat transferohen ndermjet ortakeve ekzistues apo tek personat e paralindur apo paslindur ne vije te drejte te ortakeve ekzistues (femije, bashkeshorte).

Neni 8

Kalimi i kuotave me Trashëgimi ose si pasojë e Falimentimit

- 8.1 Nëse një ortak vdes, trashëgimtari ose trashëgimtarët në rastin e bashkëzotërimit të kuotave, dhe trashëgimtarët e tij në rast se ky person ishte zotërues ose trashëgimtar i vetëm i bashkëzotëruesve të kuotave, do të jenë personat e vetëm të njohur nga shoqëria si gëzues të të drejtave mbi kuotën e tij; pamvarësisht parashikimeve të këtij Statuti, pasuria e ortakut të vdekur nuk çlirohet nga përgjegjësia në lidhje me kuotën e zotëruar nga ai vetëm apo së bashku me persona të tjerë.
- 8.2 Personi që fiton të drejtën mbi një kuotë si pasojë e vdekjes ose falimentimit të një ortaku, pas paraqitjes së provave të kërkuara nga Administratori, mund të zgjedhë të bëhet zotërues i kuotës ose të kërkojë nga shoqëria likuidimin e saj, ne vlere te percaktuar nga ekspertet perkates.


Kreu V

Asambleja e Përgjithshme

Neni 9

Kompetencat dhe Thirrja e Asamblese se Pergjithshme

- 9.1 Asambleja e Pergjithshme eshte organi me i larte vendimarres i Shoqerise. Asambleja e Pergjithshme do te vendosi, por, pa u kufizuar, per ceshtjet e meposhtme te Shoqerise:
- percaktimi i politikave tregtare;
 - ndryshime te Statutit;
 - emerimi dhe shkarkimi i administratorit/administratoreve;
 - emerimi dhe shkarkimi i likuiduesve dhe i eksperteve kontabel te autorizuar;
 - miratimi i skemes se shperblimeve per personat e permendur ne shkronjat c. dhe d.;
 - mbikeqyrja e zbatimit te politikave tregtare nga ana e administratorit/administratoreve, duke perfshire pergatitjen e pasqyrave financiare vjetore dhe raporteve mbi ecurine e aktivitetit te Shoqerise;
 - miratimi i pasqyrave financiare vjetore dhe i raporteve mbi ecurine e aktivitetit te Shoqerise;
 - zmadhimi ose zvogelimi i kapitalit;
 - pjesetimi i kuotave dhe anulimi i tyre;
 - perfaqesimin e shoqerise ne gjykime dhe ne procedime te tjera kunder administratorit/administratoreve te saj;
 - riorganizimi dhe prishja e Shoqerise;



- m. miratimi i rregullave procedurale te mbledhjeve te saj;
- n. çeshtje te tjera te parashikuara nga "Ligji per Shoqerite Tregtare" dhe "Statuti".


Nëse shoqëria mbetet me një ortak, atëherë ortaku i vetëm detyrohet ta regjistrojë këtë fakt, sipas nenit 43, të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar. Nëse ortaku i mbetur nuk përmbush këtë detyrim, atëherë ortaku përgjigjet personalisht për detyrimet që shoqëria merr përsipër nga data në të cilën duhet të ishte kryer regjistrimi, sipas këtij neni, deri në datën në të cilën ky regjistrim u krye efektivisht."

- 9.2 Asambleja e Përgjithshme merr vendime per ceshtjet e permendura ne pikat (g) dhe (h) me siper pas shqyrtimit te dokumentacionit perkates te derguar me thirrjen e mbledhjes se asamblese se pergjithshme.
- 9.3 Mbledhja e Asamblesë së Përgjithshme thirret nga administratori apo ortakët e minorances sipas dispozitave te ligjit per shoqerite tregtare ne fuqi nëpërmjet një njoftimi me leter-rekomande me njoftim-marrje te derguar ne adresen e ortakeve apo poste elektronike :(E-mail) (adresa te depozituara rregullisht nga ortakët prane administratorit dhe E-mail te pasqyruar ne ekstraktin e shoqerise ne te dhenat vullnetare te tij te paktën 7 dite perpara mbledhjes). Njoftimi duhet të kryhet të paktën 7 (shtatë) ditë të plota përpara datës së caktuar për mbledhjen përveç rasteve kur njoftimi i mbledhjes së Asamblesë së Përgjithshme i cili përmban një afat më të shkurtër është miratuar nga te gjithë ortakët qe zoterojne 100% te kapitalit te shoqerise.
- 9.4 Njoftimi per thirrjen e Asamblese duhet te permbaje ne menyre te qarte daten, ditën, kohen, vendin dhe rendin e dites te mbledhjes, se bashku me dokumentacionin perkates dhe do t'u dergohen te gjithë Ortakeve te Shoqerise te paktën 7 (shtate) dite perpara mbledhjes.

Ne rast ndryshimi te rendit te dites, do te ndiqet e njejta procedure njoftimi qe pershkruhet me siper.

Neni 10 Kuorumi i nevojshem

- 10.1 Në rastin e marrjes së vendimeve te zakonshme, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë dhe jane te pranishem qofte dhe nepermjet perfaqesuesve te autorizuar, ortakët me të drejtë vote, te cilet zotërojnë jo me pak se 51 (pesedhjetë e nje) % të kapitalit te shoqerise.
- 10.2 Në rastin e marrjes së vendimeve te jashtezakonshme, qe kerkojne nje shumicë të kualifikuar sipas nenit 87 të ligjit "Per Tregtaret dhe Shoqerite Tregtare", asambleja e përgjithshme mund të marrë vendime të vlefshme nëse marrin pjesë dhe jane te pranishem qofte dhe nepermjet perfaqesuesve te autorizuar, ortakët me të drejtë vote, te cilet zotërojnë jo me pak se 51(pesedhjetë e nje) % të kapitalit te shoqerise.
- 10.3 Nëse asambleja e përgjithshme nuk mund të mblidhet për shkak të mungesës së kuoromit të përmendur me lart, asambleja mblidhet përsëri jo më vonë se 30 (tridhjetë) ditë, me të njëjtin rend dite.



Neni 11


Marrja e vendimeve

- 11.1 Asambleja e Përgjithshme mund të marrë vendime të jashtëzakonshme me anë të votes pro të një shumice prej 3/4 të ortakëve pjesëmarrës në mbledhjen e asamblese së përgjithshme rregullisht të mbledhur për çështje të rëndësishme që kanë të bëjnë me ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë ,etj... .
- 11.2 Asambleja e Përgjithshme mund të marrë vendime të zakonshme me anën e votes pro të shumicës së ortakëve pjesëmarrës në mbledhjen e asamblese së përgjithshme, rregullisht të mbledhur, dhe vecanerisht mbi çështjet e mëposhtme:
- a) përcaktimi i politikave tregtare të shoqërisë;
 - b) emërimin dhe shkarkimin e administratorëve;
 - c) emërimin e shkarkimin e likuiduesve dhe të ekspertëve kontabël të autorizuar;
 - ç) përcaktimin e shpërblimeve;
 - d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - e) përfaqësimin e shoqërisë në gjykatë dhe në procedimet e tjera ndaj administratorëve;
 - f) miratimin e rregullave procedurale të mbledhjeve të asamblesë;
- 11.3 Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.
Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.
Autorizimi jepet në formë shkresore vetëm për një mbledhje të asamblesë së përgjithshme dhe është i vlefshëm edhe për mbledhjet vijuese me të njëjtin rend dite.
- 11.4 Kryetari i mbledhjes së asamblese së përgjithshme do të jetë administratori i shoqërisë i cili do të drejtojë mbledhjen dhe asambleja e përgjithshme në çdo mbledhje të saj do të emerojë me shumicë të thjeshtë të votave të ortakëve pjesëmarrës edhe një person tjetër për të mbajtur proces-verbalin e mbledhjes së asamblese së përgjithshme.
- 11.5 Çdo vendim i mbledhjes së asamblese së përgjithshme do të regjistrohet në proces-verbal, i cili do të mbahet në përputhje me nenin 90 të ligjit "Për Tregtarët dhe Shoqëritë Tregtare".

Neni 12

Votat e Ortakëve

- 12.1 Çdo ortak ka të drejtë vote në përpjesëtim me vlerën nominale të kuotës së tij. Bashkëzotëruesit e një kuote ushtrojnë të drejtat e votës bashkërisht, sipas nenit 72 të ligjit për shoqëritë tregtare në fuqi.



1

- 12.2 Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.

Kreu VI
Administratori
Neni 13


Emërimi i Administratorit

- 13.1 Asambleja e Përgjithshme zgjedh një ose më shumë persona fizikë si Administratorë të shoqërisë për një periudhë 5 (pesë) vjeçare, në pajtim me parashikimet e shkronjës "c" të pikës 1 të nenit 81 dhe nenit 95 të Ligjit. Emërimet do të jenë individuale dhe sipas një vendimi të marrë me shumicën e votave të ortakeve të Asambleja e Përgjithshme, i cili, nëse miratohet, sjell emërimin e personit të propozuar si Administrator.
- 13.2 Personi i mëposhtëm caktohet si Administrator i shoqërisë "INTERNACIONAL ESTUDIO LEGAL BERNARD" SHPK:

Kliti GRAMOZI, atesia Demir, i datelindjes 12.11.1996, lindur dhe banues në Tiranë, shtetas Shqiptar, madhor e me zotesinë e plote juridike për të vepruar, mbajtes i Pasaportes me nr. Personal J61112041B, per nje afat 5 (pese)vjecar, nga momenti i regjistrimit te ketij fakti prane Qendres Kombetare te Biznesit.

Neni 14
Kompetencat e Administratorit

- 14.1 Politikat tregtare të shoqërisë si dhe aktiviteti normal i saj do të administrohen nga Administratori i cili mund të ushtrojë të gjitha kompetencat që nuk i rezervohen Asamblesë së Përgjithshme sa me sipër dhe ligjit tregtar në fuqi.
- 14.2 Pa u kufizuar sa me sipër, në mënyrë të veçantë, Administratori ka këto kompetenca:
- (i) do të drejtojë dhe të përfaqësojë Shoqërinë përse i përket administrimit të zakonshëm;
 - (ii) do të nënshkruajë çdo marrëveshje në emër të Shoqërisë;
 - (iii) do të hapë llogari në emër të Shoqërisë në çdo bankë që kryen aktivitet në Shqipëri ose jashtë saj,
 - (iv) do të përgatitë të gjitha planet për marrjen e financimeve, do të nënshkruajë çdo kontratë huaje apo kontratë tjetër që parashikon një borxh, apo borxh të mundshëm për Shoqërinë, hipoteke, peng apo çdo marrëveshje tjetër që krijon apo mund të krijojë një barri mbi pasuritë e Shoqërisë, marrëveshje garancie, kontratë për shitjen e pasurive të paluajtshme apo të luajtshme të Shoqërisë. Të gjitha veprimet e parashikuara këtu (pika iv) do të jenë të vlefshme nëse janë të autorizuara shprehimisht me anë të një Vendimi të Asamblesë së Përgjithshme të marrë me shumicë unanime;
 - (v) do të urdherojë dhe kryejë pagesa në emër të Shoqërisë – duke nënshkruar dokumentet / instrumentet e pagesave;



- (vi) do te kujdeset per mbajtjen e sakte e te rregullt te dokumenteve dhe te librave kontabel te Shoqerise;
 - (vii) do te pergatise dhe nenshkruaje bilancin vjetor, bilancin e konsoliduar dhe raportin e ecurise se veprimtarise dhe, se bashku me propozimet per shperndarjen e fitimeve, ia paraqet per miratim Asamblese se Pergjithshme;
 - (viii) do te krijojte nje sistem monitorimi dhe paralajmerimi njoftimi te hershem per rrethanat qe kercenojne ekzistencen e Shoqerise;
 - (ix) do te kryeje regjistrimet e publikimet e detyrueshme te te dhenave te Shoqerise, sipas kerkesave te Ligjit nr. 9723, date 3 Maj 2007 "Per Qendren Kombetare te Regjistrimit";
 - (x) do t'i raportoje Asamblese se Pergjithshme per zbatimin e politikave tregtare dhe per realizimin e veprimeve me rendesi te vecante per veprimtarine e Shoqerise;
 - (xi) do te pergatise te gjitha planet per zhvillimin dhe operimin e Shtypshkronjes;
 - (xii) do te marre ne pune, emerore, shkarkoje te punesuar te Shoqerise per cdo nivel, perfshire edhe te punesuar me kohe te pjesshme, konsulente, agjente, do te percaktojte kompetencat dhe detyrat e tyre, si dhe do te percaktojte shperblimin e tyre;
 - (xiii) do te kryeje detyra te tjera, te percaktuara ne Ligjin per Shoqerite Tregtare, duke pasur parasysh respektimin ne cdo rast te kufizimeve te parashikuara nga ky Statut, si dhe detyrat e dhena me Vendim te Asamblese se Pergjithshme.
- (xiii) Do te administroje adresat dhe kontaktet e ortakëve (tel, E-mail). Ne cdo rast ortakët jane te detyruar qe menjehere pas cdo azhurnimi te kontakteve te tij (nr.tel, E-mail, adrese shtepie) te njoftojte administratorin me shkrim, ne te kundert mban pergjegjesi per cdo dem te shkaktuar nga mosnjoftimi ne kohe.


Asambleja e përgjithshme, në bazë të një vendimi të marrë me shumicën e përcaktuar sa me sipër, ka të drejtë të ngrejë padi përpara gjykatës kompetente për shfuqizimin e vendimeve të administratorëve, si pasojë e shkeljes së rëndë të ligjit ose të statutit dhe/ose padi të tjera që parashikon ky ligj ose statuti ndaj administratorëve apo ortakëve.

Neni 15 Skualifikimi dhe Shkarkimi i Administratorit

Detyra e Administratorit përfundon në rast se:

1. personi nuk është më Administrator sipas parashikimeve të Ligjit përfshirë edhe parashikimet e pikës 6 të nenit 95 të Ligjit;
2. personi vuan ose mund të vuajë nga çrregullime mendore;
3. ndodhet ose mund të ndodhet ne kushtet e pa-afesise fizike;
4. jep doreheqje nga detyra duke njoftuar shoqerine;
5. vdekjeje;
6. ndodhet ne situata apo rrethana te cilat e bejne te pamundur ushtrimin e detyrave te tij;

Neni 16 Kufizimet në Veprimet e Administratorit



- 16.1 Administratori nuk do të lidhi marrëveshje për çështje në të cilin ai ka, direkt ose indirekt, një interes apo detyrim, i cili është material, që është apo mund të jetë në kundërshtim me interesat e shoqërisë, në pajtim me nenin 13 të Ligjit për shoqëritë tregtare, deri në momentin kur Asambleja e Përgjithshme e shoqërisë, në bazë të kuorumit të kërkuar, autorizon lidhjen e kësaj marrëveshje.
- 16.2 Autorizimi mund të jetë i përgjithshëm ose i posaçëm për një çështje të caktuar. Autorizimi i përgjithshëm duhet të regjistrohet pranë Qendrës Kombëtare të Regjistrimit.

Kreu VII Prishja dhe njoftimet


Neni 17

17.1 Shkaqet e prishjes së shoqërisë

Shoqëria me përgjegjësi të kufizuar priset:

- a) kur mbaron kohëzgjatja, për të cilën është themeluar;
 - b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
 - c) në rast se objekti bëhet i porealizueshëm për shkak të mosfunksionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
 - ç) në rastet e pavlefshmërisë së themelimit të shoqërisë, të parashikuara nga neni 3/1 të ligjit për shoqëritë tregtare;
 - d) në raste të tjera, të parashikuara në statut;
 - dh) në raste të tjera, të parashikuara me ligj;
 - e) për çdo shkak tjetër të vendosur nga asambleja e shoqërisë.
- 17.2 Në rast të likuidimit të shoqërisë, likuiduesi, në përputhje me Ligjin dhe me vendimin e marrë me shumicën e kualifikuar së votave të Asamblesë së Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.
- 17.3 Administratori është i detyruar të regjistrojë prishjen e Shoqërisë në QKB, me përjashtim të rastit kur prishja bëhet me vendim gjykatë; në këtë rast është gjykata që i dërgon njoftimin QKB-se.

Neni 18



1

Njoftimet

- 18.1 Njoftimet e kryera nga çdo person sipas parashikimeve të Statutit, duhet të jenë me shkrim ose (nëse zbatohet) nëpërmjet komunikimit elektronik në adresën e parashikuar sipas pikës 3 të nenit 4 të këtij Statuti dhe janë të vlefshme në lidhje me kohën e njoftuar për këtë qëllim dhe personin që kryen njoftimin.
- 18.2 Shoqëria mund të njoftojë një ortak personalisht ose duke e dërguar njoftimin me letër-porosi me kthim përgjigje në adresën e regjistruar të ortakut ose në adresën apo postën elektronike (nëse ka) që i është njoftuar shoqërisë nga ortaku. Kur ka disa bashkëzotërues të një kuote, të gjitha njoftimet i jepen përfaqësuesit të tyre të përbashkët në përputhje me pikën 2 të nenin 72 të Ligjit.

Neni 19 Dispozita kalimtare

- 19.1 Cdo dokument që leshohet për dhe në emër të shoqërisë është i pavlefshëm nëse nuk mban vlerën e saj.
- 19.2 Të gjitha marrëdhëniet e punës në shoqëri rregullohen me Kodin e Punës dhe cdo akt tjetër ligjor dhe nënligjor të zbatueshëm në Republikën e Shqipërisë, në fuqi dhe në veprim kohë pas kohë gjatë periudhës së ushtrimit të aktivitetit të saj tregtar.
- 19.3 Viti financiar zgjat 12 (dymbëdhjetë) muaj, duke filluar më 1 Janar dhe mbaron më 31 Dhjetor të cdo viti.
- 19.4 Në fund të cdo viti financiar, Administratori harton bilancin vjetor dhe raportin e administrimit, të cilët i dërgohen për miratim Asamblesë së zakonshme.
- 19.5 Për të gjitha çështjet që nuk janë parashikuar në këtë Statut, do të zbatohen parashikimet e Ligjit për Shoqëritë Tregtare në fuqi, të azhurnuar.

Neni 20 Dispozita përfundimtare

- 20.1 Ky statut përben dokumentin e vetëm të shoqërisë që parashikon themelimin dhe organizimin e veprimtarisë së shoqërisë. Ky Statut mund të ndryshohet, rishikohet dhe/ose shfuqizohet pjesërisht ose tërësisht dhe të zëvendësohet me një statut të ri vetëm me vendim të Asamblesë së Përgjithshme të Ortakëve sipas shumicës së cilesuar të percaktuar me sipër.
- 20.2 Për sa nuk është parashikuar në këtë statut, ortakët do t'i referohen legjislacionit tregtar Shqiptar në fuqi si dhe praktikave tregtare në vend.

Ky statut u redaktua në 4 (kater) ekzemplare, me përmbajtje dhe vlerë të njëjta juridike, në gjuhën Shqip dhe u nënshkrua nga palet pa asnjë rezervë.

ORTAKU I VETEM THEMELUES

+ KLITI GRAMOZI

+ Kliti D. Gramozi
+ Kliti D. Gramozi

